

重刻張鳳達傷暑全書

傷暑全書卷之二

治暑主方

六和湯 治心脾不調氣不升降霍亂轉筋嘔吐泄瀉寒熱交作痰喘咳嗽胸膈痞滿頭目昏痛肢體浮腫嗜臥倦怠小便赤澀并傷寒陰陽不分冒暑伏熱煩悶或成痢疾中酒煩渴畏食婦人胎中亦可服

縮砂仁

研

半夏

湯泡七次

杏仁

去尖

人參

去

甘草

炙各一兩

赤茯苓

去

藿香葉

去

白扁豆

姜汁略炒

木瓜

各二香薷 厚朴 姜汁製

各四兩

右咬咀每服一兩水二鍾生姜三片棗一枚煎至一鍾溫服

此清火調中和解之劑治暑要藥也

香薷飲 治伏暑引飲口燥咽乾或吐或瀉並

皆治之一方加黃連四兩用姜汁同炒令老

黃色名黃連香薷飲如有摘搗加羌活煎服

厚朴

去皮姜汁炙熟半斤

白扁豆

微炒半斤

香薷

去土一斤

右咬咀每服三錢水一鍾入酒少許煎七分

沉冷不拘時服熱則作瀉香薷須陳者佳

十味香薷飲 消暑氣和脾胃

香薷

一兩

人參

去蘆

陳皮

去白

白朮

土炒

黃芪

去節

白扁

豆

炒去殼

甘草

炙

厚朴

去皮

姜汁

炒黑色

乾木瓜

白

茯苓

去皮各五錢

右爲末每服二錢熱湯冷水任調下

以上辛散驅暑之劑蓋香薷氣厚能散暑

木瓜善勝暑厚朴寬中故爲要藥

五苓散

治中暑煩渴身熱頭痛霍亂吐瀉小

便赤少如心神恍惚加辰砂又名辰砂五苓散

白朮

二錢

白茯苓

去皮二錢

猪苓

去皮一錢五分

澤瀉

去毛一錢

五分肉桂

一錢

右咬咀作一貼水一鍾半煎入分溫服或作散用亦可

桂苓甘露飲 治伏暑引飲過度肚腹膨脹霍

亂

白茯苓

去皮

白朮

土炒

猪苓

去皮

滑石

研各二兩

寒水石

研甘草

炙

犀瀉

各一兩

肉桂

去皮五錢

右爲末拌勻每服二錢熱湯冷水任下入蜜少許更妙

益元散 治中暑身熱小便不利此藥性涼除

胃脘積熱又淡滲濕故利小便而散濕熱也

又名天水散六一散加硃砂良

滑石

白膩者去黃

甘草

去皮一兩

右爲末每服二錢新汲水調服

以上清利消暑之劑但孕婦禁用

藿香正氣散 治人感四時不正之氣頭痛增

寒作熱上喘咳嗽反胃嘔吐惡心瀉泄霍亂
臟腑虛鳴山嵐瘴氣

大腹皮

黑豆水槌
洗七次

白芷

白茯苓

去皮
各二兩

白朮

土厚朴

姜製
炒

桔梗

甘草

炙

紫蘇

各二
兩

藿香

陳皮

去白
三兩

半夏

湯泡洗七
次二兩

右咬咀每服一兩水二鍾姜三片紅棗一枚

煎一鍾溫服

二香散

治暑濕相搏霍亂轉筋煩渴胃亂

藿香

雨一

半夏

姜製

陳皮

桔梗

白朮

上炒

大腹

皮

黑豆水洗七次

白茯苓

川厚朴

姜汁炒

紫蘇

白芷

各一兩

甘草

二兩五錢

黃連

去鬚二兩

香薷

斤一

白扁

豆

炒八兩

右咬咀每服一兩水二鍾生姜三片蔥白一

根煎一鍾食後溫服

九味羌活湯 治發熱惡寒無汗或自汗頭痛

項強或傷風見寒脈傷寒見風脈並宜服之

此藥不犯三陽禁忌爲四時發散之通劑也

溫症如神暑亦可解

羌活 防風

蒼朮

各一錢五分

甘草

川芎

白芷 生地

黃芩

細辛

各一錢細辛用五分亦可

右咬咀作三服水二鍾生姜一片煎至一鍾

溫服

人參敗毒散

治傷寒頭痛壯熱惡寒及風痰

咳嗽鼻塞聲重如心經蘊熱口舌乾燥者加

黃芩溫暑通用皆臻神妙

柴胡

去 甘藷

桔梗

人參

去

羌活

去 芎藭

茯苓

去皮

枳殼

去核 麩炒

前胡

去苗 洗

獨活

去蘆 各等分

右咬咀每服三錢水一鍾姜三片薄荷少許同煎七分去滓溫服

以上正氣驅邪之劑但暑不可汗微發解之敗毒散尤爲調和之宗也

又主方香朴飲 治伏熱吐瀉虛煩作亂

人參

去蘆 八分

茯苓

錢

甘草

炙 三分

紫蘇葉

七分

木瓜

澤瀉

六分

香薷

錢 一半

夏

湯泡 七分

白扁豆

炒 七分

陳皮

七分

厚朴

七分

烏梅肉

七分

右咬咀水二鍾生姜三片棗一枚煎一鍾食
前熱服

一發一斂一驅一補巧力并中長枝也當
與六和湯并善

枇杷葉散 治中暑伏熱煩渴引飲嘔噦惡心
頭目昏眩

枇杷葉

去毛炙
二兩

香薷

七錢
五分

白茅根

麥門冬

去心
甘草炙

乾木瓜

各一兩

丁香

陳皮

去白
厚朴

去皮
姜汁炙

右爲末每服一錢水一鍾姜三片煎服如止
渴燥去丁香加知母冷水調下

以上辛散之劑

縮脾飲 消暑氣除煩渴止吐瀉霍亂

縮砂仁

研四兩

乾葛

二兩

白扁豆

炒香去皮二兩

烏梅肉

草果

炒去殼

甘草

炙各四兩

右咬咀每服四錢水二大碗煎七分以水沉
冷服

消導解利之劑

黃連解毒湯 治實火燥亂煩渴畜熱肉甚等

症此所謂實火宜瀉

黃連

去毛

黃芩

黃柏

梔子

各一錢

右咀片水煎服

人參白虎湯 治伏暑發渴嘔吐身熱脈虛自

汗

人參

一錢五分

知母

二錢

石膏

五錢

甘草

炙一錢

右咬咀入粳米一合水二鍾煎一鍾不拘時

熱服如伏暑作寒熱未解宜和五苓散同煎

服伏熱後或冷水沐浴或喫冷物冷氣在脾胃
不散今日難作寒慘壯熱渾身洒淅宜加桂
煎服便解

白虎加蒼朮湯 治中暑無汗脈虛弱腹滿身

重口燥而垢譫語發黃

石膏

二錢

知母

去粗

蒼朮

米泔水浸
夜晒

羌活

各二錢

甘草

五分

右作一劑水二鍾糯米一撮煎至八分不拘

時服

竹葉石膏湯 治伏暑內外發熱煩燥大渴

石膏

所一兩
六錢

半夏

二錢
五分

人參

二錢

麥門冬

去心
五錢

五分甘草

炙二錢

淡豆豉

二錢

糯米

一合

右咬咀每服五錢水一鍾入青竹葉生姜各

五片煎服

三黃石膏湯 治陽毒發斑身黃如塗朱眼珠

如火狂叫欲走六脉洪大燥渴欲死鼻乾面

赤齒黃

黃連

黃柏

黃芩

各一錢

石膏

一兩
五錢

山梔子

三十一香豉

二合

右水二鍾，姜三片，棗二枚，鎚法入細茶一撮，煎之熱服。

桂苓甘露飲合敗毒散消暑更捷。

以上諸方皆大寒味，鎮墜消毒之劑，驅暑之將軍也。中用人參者，攝氣保中，防驟損耳。此等藥必重病而後用，輕則惟前十方內酌用為妙。

百合湯 病已愈而觸犯者用之最效。

柴胡

去蘆 錢

人參

去蘆 五分

黃芩

錢

甘草

五分

知母

夫 粗

入百合

二分

陳皮

去白一錢

生地黄

七分

渴加天花

粉胃中煩熱加山梔有微頭疼加羌活川芎
嘔吐入姜汁炒半夏胃中飽悶加枳殼桔梗
食復者加枳實黃連甚重大便實者加大黃
胃中虛煩加竹茹竹葉瘧後乾嘔錯語失神
呻吟睡不安者加黃連犀角咳喘者加杏仁
心中驚惕爲血少加當歸茯神遠志虛汗加
黃芪脾倦加白朮腹如雷鳴加煨生姜勞復
時熱不除加葶藶烏梅生姜汁

右咬咀水二鍾姜三片搥法醋煮鯨甲煎之
泄服

丸散方類

加味胃苓丸

蒼朮

五兩

陳皮

三兩

厚朴

二兩

甘草

炙二兩

白朮

四兩

茯苓

苓

二兩

肉桂

二兩

猪苓

二兩

澤瀉

去粗二兩

人參

去蘆一兩

黃

連

去毛姜

炒二兩

白芍

炒二兩

右爲末蜜丸清米湯下每服五六十九

黃龍丸

治伏暑發熱煩渴嘔吐惡心

黃連

去毛極淨者二斤

右以好醋五斤煮乾爲末麩糊丸梧子大熱湯下每服三十丸

消暑丸

治伏暑引飲脾胃不和

半夏

一斤 生甘草

茯苓

去皮各半斤

右爲末姜汁煮糊爲丸如梧桐子大每服五十丸熱湯下此藥味平備一班耳

玉露散

治暑渴

寒水石

滑石

去黃垢土

石膏

火煨

括籃根

各二兩

甘

草一兩

右爲細末每服五錢新水調下

御暑散 治胃暑伏熱頭目眩暈嘔吐泄痢煩

渴背寒面垢

赤茯苓

生甘草

各四兩

寒食麩

生薑

各一斤

右爲末每服二錢白湯調下

備用方類

大順散 治胃暑伏熱引飲過多脾胃受濕水

穀不分霍亂嘔吐臍腑不調

甘草

三斤

乾姜

杏仁

去皮尖炒

肉桂

去皮各六兩四分

右先將甘草用白砂蜜炒及入分黃熟次入乾姜同炒却入杏仁候杏仁不作聲爲度用篩篩淨後入肉桂一處搗羅爲末每服三錢水一鍾煎五七分溫服如煩燥井花水調下不拘時候以沸湯點服亦可

此劫劑也從治火攻用晉厥等劇症則效效後仍用辛涼劑調理切不可常用也

龍鬚散

一名甘草散

治中暑迷悶不省人

事及泄瀉霍亂煩渴一服卽愈力能解暑毒

白礬生一兩 五倍子生三錢 烏梅槌去仁二兩 甘草炙一兩

兩五錢一方生用 雜麩一兩一方用清切日麩九佳

右爲末入水麩拌勻每服二錢新水調下

一方加柯子肉滴水爲丸如彈子大細嚼水

下 名龍涎丸

此器痰劫劑輕症不可用

加味桂苓甘露飲

卽桂苓甘露飲外加人參香薷甘草煎服治

法同前

補中益氣湯 治暑傷元氣脉弱身虛者用之

黃芪

炙一錢五分

人參

去蘆

甘草

炙五分

當歸

七分

白朮

上炒

柴胡

三分

升麻

三分

陳皮

留白一錢

渴加葛根

五分

嗽加麥門冬

一錢

五味子

十五粒

一方有白芍藥

五分秋冬不用

黃栢

三分

以滋腎水瀉

伏火加紅花

三分

入心養血

右作一服水煎午煎稍熱服

溫補但助火反昏沉須加連膏方効

調中湯

大黃

去皮七錢

葛根

黃芩

藥木

白朮

芍

藥

桔梗

茯苓

去皮甘草

炙各五錢

右吹咀每服五錢水盞半煎八分移時再服

得利卽止

此下藥也須有生冷麪食積聚者方可用

治傷暑霍亂

轉脛危急者用

吳茱萸

三錢同

黃連炒至煙起方取去黃連將茱萸煎湯一

大盞溫服立愈

附霍亂瘧痢發斑

暑症卽發爲熱病吐瀉霍亂積久後發爲瘧痢
霍亂瘧痢三症醫書各有專科治法亦詳故不
共載姑以主方取効速者附列于左

乾霍亂吐法

暑氣入腹惡心腹痛上吐下瀉瀉如水注此暑
火暴發升降不利清濁不分所瀉者皆五臟之
津液宜速止之用五苓散或胃苓湯利小便清
火實臟甚者桂苓甘露飲此症間有夾食積者

醫家認爲食傷而用下誤矣亦有謂其穢濁當去者不知津液暴涸元氣頓傷當立止之爲上更有吐瀉無物者爲乾霍亂令人立斃急用炒鹽湯或二陳湯探吐之道則易救

丹溪亦用理中湯吐恐熱不敢載方

二陳湯 化痰利氣乾霍亂多煎服之探吐代

瓜蒂散瓜蒂性峻而損胃此藥利痰而性平

陳皮

去白一分
錢五分

半夏

姜汁炒
一錢

茯苓

去皮一分
錢二分

甘草

三分

右咬咀水煎服

痢疾方

芍藥湯加減

兼治赤白痢

白芍藥

錢一

黃連

錢一

枳實

錢一

白茯苓

錢一

檳榔

七分

當歸

八分

黃芩

錢一

川芎

五分

大黃

錢二

加滑石

錢二

大黃初痢二三日內用一貼動後卽去之痢

日久者不可用水一鍾半煎至八分和本香

末三分溫服日夜三服方効

香連丸

方伯王嵩淮傳自

楚府

木香

兩二

黃連

茱萸炒

陳皮

兩二

槐角子

兩一

地

錢五

掄一兩枳殼

二兩 麩炒

枳實

一兩 麩炒

檳榔

二兩

益元散

二兩

醋糊爲丸每服一錢紅痢米湯下白痢姜湯

滾白水送下亦每日三服或湯一九二亦可

老弱數服後卽當溫補

治痢神驗方 用茅山蒼朮爲末煉蜜爲丸如

圓眼大五錢滾水入三九將布裹紙圈在罐

口上以膜覆蒸俟水温冷取起丸藥仍將水

燒滾如前入丸再蒸良久二三次其病立止

屢試屢效

瘵疾方

清脾飲加減

青皮 厚朴 白茯苓 柴胡 半夏 黃

芩

各一分

白朮

八分

甘草

一分

草果仁

一分

砂仁

各五分

滑石

二錢

渴加麥門冬

一錢

烏梅

一箇

水一鍾半煎至八分和薑汁二匙溫服瘵發

過兩箇時辰服一貼到瘵臨來前一箇時辰

再服一貼方効二日一發者先於空日早晚

服二貼至瘵發日前一箇時辰又服一貼方

効如服前藥後尚未全愈卽服後劑

胃苓湯

厚朴

姜製炒

蒼朮

泔水浸炒

陳皮

一錢

甘草

炙五分

澤瀉

入分 茯苓

入分 猪苓

入分 白朮

一錢 官桂

三分

右水二鍾煎至八分溫服

治瘧 不拘久近寒暑老小虛實通用百効神

妙

黃芪

二錢

陳皮

一錢

青皮

一錢

當歸

柴胡

一前胡

各一錢

檳榔

七分

肉桂

八分

好白朮

四分半

常山

四分

半要

烏梅

二

白芍藥

炒黃一錢二分

右方姜棗爲引水煎二次將發先一二時服
卽不發矣 氣虛弱加人參四五分暑甚加
香薷一錢孕婦減檳榔三分

發斑方

消斑青黛飲 治邪熱傳裏裏實表虛血熱不
散熱氣乘於皮膚而爲斑也

黃連

去毛一錢

甘草

五分

石膏

一錢五分

知母

五分

上人參

去蘆

犀角

錢一

青黛

一錢

山梔

一錢

地錢一大便實者去人參加大黃

多寡酌之

右咬咀水二鍾姜一片棗二枚煎之搥法臨服入苦酒一匙調服

寒溫暑三病有發斑症而暑斑人多忽之不知其形與寒溫同或大如豆或細如線痕或如蚤點甚亦有羊毛疔者皆宜煎藥清之

服藥總法

傷寒傷暑溫涼諸症皆邪氣欺正氣也用藥如

對敵藥入則邪漸退藥力盡而邪復熾必一服
周時卽詳勢胗脉藥對則連進日夜三五服以
邪退病安爲止此法惟漢張仲景傷寒隋孫思
邈千金方中載此孫云夏月晝五夜三冬月晝
三夜五必期病退而後止如禦敵者愈驅逐愈
加精銳期於蕩平而後班師此萬全之勝算也
自宋以後不傳故取效寡而活人之功疎愚以
此法屢治人極有神效

附經驗方

胃氣疼經驗方

五靈脂

一錢炒出青酒為度

石菖蒲

一錢炒

砂仁

八分

白芷

薏

一錢要全整白壳方真

香附子

一錢

木香

一錢

青皮

五分

陳

皮

八分

蒼朮

八分

厚朴

八分

只殼

三分

烏藥

五分

炒

乾良姜

一錢

玄胡索

一錢

烏梅

一錢

史君子

五分

蘇梗

三分

水

一鍾

姜

一片

煎七分

徐徐

溫服

卽

愈忌葷腥油膩煎炒

治心痛神效方

青皮

枳壳

玄胡索

各八分

陳皮

當歸

白茯苓

白芍

吳茱萸

各七

三稜

蓬朮

檳榔

厚朴

各六分

甘草

三分

用水煎至八分熟以砂仁六分槌碎入罐再煎半滾取起傾在木香碗中調溫服下木香一錢預先磨下至重者二帖斷根

治痔瘡經驗方

乾蚯蚓

去土炒淨末五兩

蓮鬚

炒末一兩

槐角子

炒淨末三兩

象牙屑

炒末一兩

側柏葉

白紙煑淨二兩每兩用礬二錢

淡蜜水爲丸梧子大每服七八十九若加刺

蝟皮一箇用酥炙淨爲末入內更好輕則服
五兩卽愈

痢疾極効方

川黃連

二兩炒

白朮

四錢半土炒

木香

三錢不見火

山查

大只殼

三錢半麩炒

麥芽粉

三錢半

川當歸

二兩酒浸炒

肉苳蔻

五錢麩去油

石蓮子

四錢五分去殼淨

蒼朮

五錢米泔

水白芍

二兩炒

神麩

四錢五分炒

右爲極細末每用一錢白姜湯下紅蜜湯下
水烏米湯下服後以火烘手抹臍四十九轉

臥一時卽思食忌生冷麪食

治牙痛方

用蜘蛛

一絲

罈燈上燒存性加胡椒一粒共研

爲末吹入鼻中立止左牙患吹右鼻右牙患

吹左鼻

作金散

治小兒疳積禿髮

枯礬

鹽

紅

五倍子

燒存性

烏龍尾

卽到鈎座

輕粉

少

右研末用

墨磨調滿燈油塗之二三次痊愈先洗淨瘡

痂每搽宜早晨空心

忌食物先用羊糞黃湯熱洗透搽上藥亦可

治大麻風末藥屢次經驗方

鬱金 五錢 白牽牛

六錢半炒 熟半生用 硫黃 三錢 蛇床子 五錢 苦參 五錢 雄

黃 三錢 另為末 絕 皂角刺 二錢 大黃 二錢 水

以上合劑 除雄硫黃各三錢 另為末 極細 待各藥焙乾成末方入拌勻

每服只用五錢 清酒一碗 溫酒天未明 朝東 跪服 打出多虫 從大便 無虫 或極臭 膿涎亦

是過二三日 又一方 小艾 圓灸 數次 出毒氣 再服 以便

洗麻風方 蛇床子 細辛 地骨皮 槐皮 苦參 根 白芷 重光 皂角 二皮

耳子 防風 川椒 一兩 前藥分作兩起 生薑 各二兩

頭一日 持末藥 用好酒 調五錢 天未明 朝東 跪服 本日 利泄 大便 有虫 出如 無虫 必有 極

臭膿血出次日用前開藥分作二起煎水一大盆用重手週身擦洗以皮破血出為主第四五日又將末藥五錢調酒早服如大便有虫臭膿等要遵兩三日服一次如無不必用只藥洗三五次更好洗三十次尤妙末藥止可用二三次不必多用開後用後方煮酒以保元氣用藥之後只要禁酒 ○藥酒方 此方到

先服三十劑仍作藥酒 蒼朮 厚朴 天門冬

麥門冬 生地 熟地 羌活 防風 半夏 牛膝 荆芥 白芷

獨活 川芎 陳皮 香附 白芍 破故紙 白朮 細辛 麻

黃 茯苓 干姜 枸杞 川烏 干茄根 草烏 椒子 烏藥 砂

仁 當歸 天麻 杜仲 玉桂 小茴香 杏仁 木香 秦艽 鱉

甲 蒼耳子 威靈仙 川草解以上各兩 黃芪三兩 核桃葉此二味各兩

右到用袋裝將好酒二十斤大罈入藥袋在內泥封口罈內煮五

炷香完取出埋至內二晝夜取出每日空心早飲一茶鍾午飲一

鍾用完再造藥渣晒乾為末米麵打糊為丸梧子大每日清酒半

後各吞七八十丸用酒送下或用姜汁其藥若用好燒酒更妙

古今名醫品彙

張機 字仲景東漢南陽人奉孝廉官至長沙太守作傷寒論醫方大備扁鵲倉公無以加焉後世稱爲醫聖

孫思邈 唐京兆華原人幼稱聖童隋文帝召不拜太宗卽位召見拜諫議大夫固辭隱太白山學道養氣得度世之術洞曉天文精究醫業著千金方二十卷

朱肱 號無求子宋吳興人深於傷寒著活人

書道君朝請闕投進授奉議郎醫學博士其中論著一二款見節菴內不另載

劉完素 字守真金河間人少聰敏博學忽遇異人以酒飲之大醉及寤洞達醫術撰運氣要旨論精要宣明論素問玄機原病式然好用涼劑以降心火益腎水爲主自號通玄處士

張元素 字潔古金易州人八歲試童子舉二十七歲試經義進士犯庶諱下第乃學醫洞

徹其術其學則李東垣深得之其論不另載
李杲 字明之號東垣元之鎮人也幼好學博
經史尤樂醫藥捐千金從張元素盡得其業
當時稱爲醫聖東垣十書多其著述

朱震亨 字彥修學者尊之曰丹溪先生元末
婺之義烏人也自幼好學日記千言從許文
懿公得朱子四傳之學因母病卽慨然曰士
苟精一藝以推及物之仁雖不仕於時猶仕
也乃棄事業一於醫致力衰然稱醫大成焉

方廣 字約之號古菴休寧人讀儒之暇留意醫經爲名醫善用丹溪法

王綸 字汝言號簡齋浙江蕙谿人官至廣東布政因父病精醫著明醫雜著發丹溪所未發世甚尊信之

陶華 字尚文號節菴餘杭名醫幼讀儒書旁通百氏著傷寒瑣言發仲景所未發大行于世正統間被徵引疾歸時論高之

虞搏 字天民號恒德老人正德花溪人著醫

學正傳醫學權輿醫學集成岐黃之宗匠也
李挺 字文清江右南豐人生儒家習詩禮之
訓惓惓有志於澤物遂博古今方論著醫學
入門雖時業乎而精詳可追花溪

王肯堂 字宇泰號損菴金壇人中萬曆己丑
進士授翰林檢討制舉義鑿覈傳誦海內尤
以岐黃顯所著有證治準繩證治類方諸書
大行于世慧識燭照精心縷析力追古人焉
按自古以方術名世者多不能徧列姑卽其

切於治暑者錄其論并方因錄其姓氏使後
之業歧黃者誦其書以攷其世奮然有仰止
之思焉安知不與古長桑伯元諸公競駕而
馳聲乎

張仲景

傷寒例第三論曰脉盛身寒得之傷寒脉虛身
熱得之傷暑
痲濕暍第四論曰太陽中熱者暍是也其人汗
出惡寒身熱而渴也

又曰太陽中暍者發熱惡寒身重而疼痛其脉
弦細芤遲小覆已灑灑然毛聳手足逆冷小有
勞身卽熱口開前板齒燥若發汗則惡寒甚加
溫針則發熱甚數下之則淋甚

按此症一味涼藥清內火辛以散之酸以收
之三者爲妙汗下俱不可若加之溫針則速
其斃耳

辯太陽病脉第五論曰傷寒二三日陽明少陽
證不見者爲不傳也

又曰太陽病發熱而渴不惡寒者爲溫病

按溫病無導經隨其所中以脈辯之亦有不
中太陽初不頭痛惡寒諸症而庸醫認爲痧
火內傷禍不旋踵矣此症不傳經止中一二
經慎之慎之

又曰若發汗已身灼熱者名曰風溫風溫爲病
脈陰陽俱浮自汗出身重多眠睡息必鼾語言
難出若被下者小便不利直視失溲若被火者
微發黃色劇則如驚癇時瘖瘓若火熏之一逆

商引日再逆促命期

按此症皆春溫以內有火熱感以風寒故發劇也眠睡語難皆火內灼非風溫外甚也白汗風傷衛不惡寒外症輕也止宜辛涼藥內解微發表則愈

孫思邈

傷寒例論曰易稱天地變化各正性命然則變化之迹無方性命之功難測故有炎涼寒燠風雨晦冥水旱妖災蟲蝗怪異四時八節種種施

化不同七十二候日月運行各別終其畧度方
得成年是謂歲功畢矣天地尚且如然在人安
可無事故人生天地之間命有遭際時有否泰
吉凶悔吝苦樂安危喜怒哀憎存亡憂畏關心
之慮日有千條謀身之道時生萬計乃度一日
是故天無一歲不寒暑人無一日不憂喜故有
天行瘟疫病者卽天地變化之一氣也斯蓋造
化必然之理不得無之故聖人雖有補天之極
之德而不能廢之雖不能廢之而能以道御之

其次有賢人善於攝生能知樽節與時推移亦得保令天地有斯瘴癘還以天地所生之物以防備之命曰知方則病無所侵矣然此病也俗人謂之橫病多不解治皆曰日滿自差以此致其若天下太半凡始覺不佳卽須救療迄至於病愈湯食競進折其毒勢自然而瘥必不可令病氣自在恣意攻人拱手待命斯爲誤矣

按真人此論從天人合基虛發脉義理源頭上起瀾而議論蒼古渾渾灑灑真與南華並

傳雖論寒哉而溫與暑之秘皆兼之矣敬錄
置之座右以爲玄宗之一助醫道特其餘耳

劉河間

中暑之症身熱頭痛背寒面垢自汗煩燥大渴
口乾倦怠而身不痛或時惡寒或畏日氣脉虛
而弱無問表裏通宜白虎湯并感冒發熱煩渴
五苓散桂枝甘露飲黃連香薷飲或雙解散或
裏熱甚腹滿而脉沉可下者大承氣湯下之或
三一承氣湯尤妙半表半裏者小柴胡湯涼膈

天水散

按劉河間論暑症甚詳獨明於諸家用藥頭
頭中款可謂得其解者但暑症不分表裏一
味清內得寒涼而解苦酸而收不必用下承
氣湯走馬之糞也却之却之

李東垣暑傷胃氣論

刺志論云氣虛身熱得之傷暑熱傷氣故也痿
論云有所遠行勞倦逢大熱而渴則陽氣內伐
則熱舍於腎腎者水臟也今水不能勝火則枯

骨而髓虛足不任身發爲骨痿故下經曰骨痿者生於大熱也此濕熱成痿令人骨乏無力故治痿獨取陽明時當長夏濕熱大勝蒸蒸而熾人感之多四肢困倦精神短少懶於動作胸氣促肢節沉痛或氣高而喘身熱而煩心下膨痞小便黃而少大便澹而頻或痢出黃糜或如泔色或渴或不渴不思飲食自汗體重或汗少者血先病而氣不病也自時當長夏至此已探入正款不敢擺別故重出其脉中得洪緩若濕氣

相搏必加以選病雖互換少差其天暑濕令則
一也宜以清燻之劑治之名曰清暑益氣湯主
之

清暑益氣湯

黃芪

汗少者減五分

蒼朮

泔浸去皮各一錢五分

升麻

一錢人參

去蘆

白朮

橘皮

神麴

炒澤瀉

各五分

甘草

黃蘗

酒浸

當歸身

麥門冬

去心

青皮

去白葛根

各三

分

五味子

九

內經云陽氣者衛外而爲固也吳則氣泄今暑

邪干衛故身熱自汗以黃芪人參甘草補中益氣爲君。甘草橘皮當歸身甘辛微溫養胃氣和血脉爲臣。蒼朮白朮澤瀉滲利除濕升麻葛根苦甘平善解肌熱又以風勝濕也濕勝則濕不消而作痞滿煨炒麩甘辛青皮辛溫消食快氣腎惡燥急食辛以潤之以黃蘗苦辛寒借甘味瀉熱補水虛者滋其化原以五味子麥門冬酸甘微寒救天暑之傷庚金爲佐也。

右咬咀作一服水二盞煎至一盞去粗稍熱

食違服

按東垣意寬精密立方中和清暑益氣湯一劑近世多崇之然氣血虛弱之人用之最宜如遇強壯者不能取效且助涸火不可不斟酌也

朱丹溪

中暑論曰暑乃夏月炎暑也盛熱之氣着人也
有胃有傷有中三者有輕重之分虛實之辯或
腹痛水瀉者胃與大腸受之惡心者胃口有痰

飲也此二者皆著也可用黃連香薷飲清暑益
氣湯蓋黃連退暑熱香薷消暑水或身熱頭疼
燥亂不寧者或身如針刺者此爲熱傷在肉分
也當以解毒湯白虎湯加柴胡如氣虛者加人
參此爲傷暑或咳嗽發寒熱盜汗出不止脈數
舌熱在肺經用清肺湯柴胡湯天水散之類急
治則可遲則不救盛火乘金也此爲中暑凡治
病須要明白辯別慎勿混同施治春秋間亦或
有之切莫執一隨病處方爲妙

按暑病原有輕重分傷胃中三款是已但凡感暑而病者皆從胃火而得總謂之傷暑其感火多而勢重者乃爲中暑以內外諸雜症分屬五臟猶爲近理至以五臟分屬胃傷中三者則誤矣其內外諸雜症卽有重輕均從臟腑而發若以分屬之三症豈不泥且左矣名家亦有此誤又何以破後人之迷也

辯動得靜得

丹溪曰若暑之時無病之人或避暑熱納涼於

深堂大厦涼臺冷館大扇風車得之者是靜而
得之陰症也其病必頭痛惡寒身形拘急肢節
疼痛而心煩脫膚大熱無汗此爲陰寒所遏使
周身陽氣不得伸越宜用辛溫之劑以解表散
寒用厚朴紫蘇乾葛藿香羌活蒼朮之類若外
既受寒內復傷水水生冷瓜果之類前藥再加
乾姜硝砂神麩之類此皆非治暑也治因暑而
致之病也

按靜得動得分中暑傷暑此論出自張潔古

後皆因之夫盛暑之時炎火若炙無之非是
故古人聞避暑而未聞避寒深堂廣廈正以
避暑安得入而中之且房室陰涼正可護衛
陽氣又安得而過傷之乎卽膏梁深處必不
能無冒暑應接其傷暑者亦於動中得之耳
老子曰人能常清靜天地盡皆歸一靜卽可
祛暑從何而中也至於冰水瓜果等寒物多
食自傷脾胃亦生雜症謂瀉痢諸症內有此
物積聚則可謂專以此致暑病則不可若執

口得寒物身犯寒氣同冬時寒病治之則謬以千里矣

方古菴附

論曰寒則傷形熱則傷氣何以言之人與天地同一橐籥夏月天之氣浮於地表則人之氣浮於肌表况彼盛暑所傷膚腠疎豁氣液爲汗發泄於外是表裏之氣俱虛矣不善攝生者暑熱傷於外生冷戕於中若之何而能運化也是以水穀停積而爲濕熱發爲嘔吐爲泄瀉甚則吐

瀉俱作而揮霍悶亂也若不卽病濕熱怫鬱於肉他日爲癰爲痢之所由矣今大順散非治暑熱之藥乃治暑月飲涼過多爲病之劑也歟

按此論精當但大順散不可輕用

王節齋附

論曰夏至日後病熱爲暑暑者相火行令也夏月人感之自口齒而入傷心包絡之經其脈虛或浮大而散或弦細芤遲蓋熱傷氣則氣消而脈虛弱其爲症汗煩則喘渴靜則多言身熱而

煩心痛大渴引飲頭疼自汗倦怠少氣或下血
發黃生斑甚者火熱制金不能平木槁槲不省
人事治暑之法清心利小便最好暑傷氣宜補
真氣爲要又有惡寒或四肢逆冷甚者迷悶不
省而爲霍亂吐利痰滯嘔逆腹痛瀉痢此則非
暑傷人乃因暑而自致之病也以其因暑而得
故亦謂之暑病然治法不同也

按節齋此論氣脉症方俱備種種精妙暑月
可錄一通於座右

古菴節齋以世代不宜列此因原係丹溪附
餘姑附之

陶節菴

辯張仲景傷寒論曰傷寒者乃冬時感寒卽病
之名桂枝麻黃二湯爲當時之傷寒設與過時
之溫著者有何預焉夫受病之原則同亦可均
謂之傷寒所發之時旣異治之則不可混也請
略陳之夫春溫夏熱秋涼冬寒者四時之正氣
也以成生長收藏之用風亦因四時之氣而成

溫涼寒熱也若氣候嚴寒風亦凜冽天道和煦
風亦溫暖冬時坎水用事天令閉藏水冰地凍
風與寒相因而成殺厲之氣人觸冒之腠理鬱
塞乃有惡風惡寒之症其餘時月則無此症也
仲景固知傷寒乃冬時殺厲之氣所成非比他
病可緩故其爲言特詳於此書而略於雜病倘
能因名以求其實則思過半矣不幸此書傳世
久遠遺帙頗多晉太醫令王叔和得散亡之餘
詮次流傳其博矣惜乎以已論混經未免穿

繫附會陳無已氏因之順文註釋並無缺疑正
誤之言以致將冬時傷寒之方通解溫者遺禍
至今而未已也溫暑必別有方今皆失而無徵
也我

朝宋景濂學士嘗嘆傷寒論非公書得其旨哉
蓋傷寒之初中人必先入表表者何卽足太陽
寒水之經此經行身之後自頭貫脊乃有頭疼
脊強惡寒之症在他經則無此症矣况此經乃
一身之綱維爲諸陽之主氣猶四通八達之衢

治之一差其變有不可勝言者矣故宜此二湯發散表中寒邪經曰辛甘發散爲陽者是也若以此湯通治春溫夏熱之病則誤之甚矣

按麻黃桂枝湯原爲冬月傷寒正藥溫暑二病不可混施節菴力破從來之迷至於辯仲景書中多遺帙缺誤歸罪於王叔和之詮次陳無已之註釋可謂發前人所未發但仲景醫書專明傷寒故詳於寒病略於溫暑原不爲溫暑設也

治傷寒用藥大略

論曰四時皆有傷寒治之不可一槩論也。冬時氣寒腠理微密非辛甘溫不通故以桂枝等湯以治之。然風與寒常相因寒傷榮惡寒頭疼脈浮緊而無汗則用麻黃湯開發腠理以散邪得汗卽愈。風則傷衛頭痛惡風脈浮緩而自汗則用桂枝湯充塞腠理以散邪汗止卽愈。經云辛甘發散爲陽者是也。若夫榮衛俱傷又非此二湯所能治也。須大青龍湯然此湯太峻又非庸

俗所可擬也予亦有代之者蓋冬時爲正傷寒
天氣嚴凝風寒猛烈觸胃之者必宜用辛溫散
之其非冬時亦有惡寒頭痛之症皆宜辛涼之
劑通表裏和之則愈矣若以冬時所用桂枝辛
溫之藥通治之則殺人多矣曰辛涼者何羌活
沖和湯是也兼能代大青龍爲至穩嗚呼一方
可代三方危險之藥

按辨寒溫暑藥甚明沖和一湯尤爲溫涼
症穿楊之劑百發百中者也

傷寒變溫熱病

論曰活人書發於溫病曰陽熱未盛爲寒所制
豈有伏寒既已變而爲溫尚可言寒能制其陽
熱邪又於熱病曰陽熱已盛寒不能制亦不當
復言其爲寒也蓋是春夏陽熱已變其伏寒卽
非有寒能制其陽熱耳外有寒邪能折陽氣者
乃是時行寒疫仲景所謂春分已後秋分節前
天有暴寒爲時行寒疫是也三月四月其時陽
氣尚弱爲寒所折病熱則輕五月六月陽氣已

盛爲寒所折病熱則重七月八月陽氣已衰爲
寒所折病熱亦微是知時行寒疾與溫熱二病
所論陽氣盛衰時月則同至於論暴寒之寒與
伏寒已變之寒自是相違名不正則言不順矣
仲景又云其病與溫及暑病相似但治有殊耳
要在辯其病源寒熱溫三者之殊則用藥之冷
熱判然矣

按南陽發變字大有慧心至於伏寒之誤南
翁亦尚然知其然而不敢明攻其非恐起

聞者議耳乃亦爲非時寒疾以破其惑始自東垣設寒疫一款皆可羽翼內經啓蒙萬世也

溫病辯

經曰溫病之脈行在諸經不知何經之動隨其經之所在而取之

如太陽症頭疼惡寒汗下後過經不愈診得尺寸俱浮者太陽病溫也

過時而發不在表也已經汗下亦不在表也經

曰不惡寒而反渴者溫病也明其熱自內達外
無表症明矣

按傷寒傳經由腑入臟由陽入陰溫病不傳
經止中一二經或乘某經火或乘某經虛被
春時寒氣所中自內發外而作寒熱等症或
中腑則腑病或中臟則臟病不論日期始終
惟此一二經內經言惟經所動隨經而取自
是明明斷禁節菴分經良是而以過太陽經
不傳別經定爲溫病此辯別寒溫之口訣所

當佩服者

辯惡寒

論曰惡寒否乎曰傷寒自冬月風寒而成外則有惡寒惡風之症既名爲溫則無此症矣曰然則子之言何所據乎曰據乎經耳經曰太陽病發熱不惡寒而渴者溫病也不惡寒則病非因外來渴則明其自內達表

按冬月傷寒由於外感而惡寒是矣曰溫症不惡寒非也蓋溫症緣陽氣發暢爲春時風

寒所迫雖係內熱亦由外感故亦有惡寒等症豈獨溫卽暑病亦有此症蓋暑屬外火傷于臟腑內邪炎炎故熱極戰慄而成惡寒醫不知遂爲傷寒不可不詳辨也

辨溫暑涼寒諸症

論曰傷暑與傷寒俱有熱若誤作傷寒治之則不可蓋寒傷形熱傷氣傷寒則外惡寒而脈浮緊傷暑則不惡寒而脈虛此爲異耳經云脈盛身寒得之傷寒脈虛身熱得之傷暑治宜小柴

胡湯渴加石膏知母或人參白虎湯天久淫雨
濕令大行蒼朮白虎湯若元氣素弱而傷之重
者清暑益氣湯治之

夫傷寒二字蓋冬時天氣嚴寒以水冰地凍而
成殺厲之氣入觸犯之卽時病者爲傷寒乃有
惡寒頭疼發熱之症故用麻黃桂枝發散表中
寒邪自然熱退身涼有何變症如或頭疼惡寒
表症皆除而反見譫語怕熱燥渴大便閉者以
法下之大便通而熱愈有何怪症其餘春夏秋

三時雖有惡寒身熱頭疼亦微卽爲感冒非時
暴寒之輕非比冬時氣正傷寒爲重也如冬感
寒不卽病伏藏於肌膚至春夏秋時共伏寒各
隨時氣改變爲溫爲熱者因溫暑將發又受暴
寒故春變爲溫病旣變之後不得復言其爲寒
矣所以仲景有云發熱不惡寒而渴者其理可
見溫病也暑病亦然比之溫病尤加熱不惡寒
則病非外來渴則明其熱自內達表無表症明
矣治溫暑大抵不宜發汗過時而發不在表也

其伏寒至夏又感冒寒變爲暑病暑病者卽熱病也取夏火當權而言暑字緣其溫熱二症從冬時伏寒所化總曰傷寒所發之時旣異治之不可混也若言四時俱是正傷寒者非也此三者皆用辛涼之劑以解之若將冬時正傷寒之藥通治之定殺人矣辛涼羌活冲和湯是也兼能代大青龍湯治傷寒見風傷風見寒爲至穩一方可代三方危嶮之藥如坦夷其神乎哉世俗皆所未知也若表解其裏症具者亦以法下

之無惑又傷寒下後過經不愈者亦溫病也已
經汗下亦不在表也隨病制宜凡有辛苦勞役
之人有患頭疼惡寒身熱加之骨腿酸疼微渴
自汗雖浮大而無力此爲勞力感寒當用補中
益氣辛溫之劑爲良經云溫能除大熱正此謂
也若常和解者卽以小柴胡加減和之下症見
者卽以本方加大黃微利之切勿過用猛烈其
害非細若初病無身熱無頭疼便就怕寒厥冷
腹痛嘔吐泄瀉脈來沉遲無力此爲直中寒極

宜溫之而不宜汗下也疫癘者皆時行不正之氣老幼傳染相同者是也緣人不近穢氣免傷真氣若近穢氣有傷真氣故病相傳染正如墻壁回賊人不敢入正氣盛邪氣不敢侵正氣既虛邪得乘機而入與前溫暑治又不同表症見者人參敗毒散半表半裏症者小柴胡裏症具者大柴胡下之無以脈診以平爲期與其癰痢等症亦時疫也照常法例治之

按此辯傷寒傷暑最爲喫緊廣度慈航一披

卷而了然者當熟讀精思方得其解斟酌用之方得其妙

辯風溫

論曰風溫尺寸俱浮素傷於風因而傷熱風與熱搏卽爲風溫其外症四肢不收身熱自汗頭疼喘息發渴昏睡或體重不仁慎勿發汗汗之則譫語煩燥目無精彩病在少陰厥陰二經葳蕤湯人參敗毒散小柴胡湯選用

以溫病外症四肢不收等惡症乃溫病之極

重者輕則爲溫重則爲風溫乃病名也朱南陽曾道及之若謂素傷於風因而傷熱風與熱搏卽爲風溫者非確論也謂不可發汗乃調溫之訣

虞花溪

見醫學正傳

內經曰因於暑汗煩則喘喝靜則多言潔古又曰靜而得之爲中暑動而得之爲中熱中暑者陰症中熱者陽症仲景傷寒論中一症曰中喝卽中暑也虛而微弱煩渴引飲體熱自汗此蓋

待勞役體虛而暑邪干衛之候是宜東垣清暑
益氣湯等劑益之劑治之而愈一症曰熱病卽
中熱也脉洪而緊盛頭疼身熱口燥心煩此蓋
得之於冬感寒邪鬱積至夏而發乃挾暑而成
大熱之候是宜黃連白虎解毒等湯清涼之劑
調之而愈曰中暑者陰症內傷之爲病也曰中
熱者恐亦外感之爲病也曰陰曰陽豈不於斯
而明辯之乎學者宜再思之

按暑熱一氣也感暑而病熱原不可分爲二

氣中與傷有輕重之別丹溪有胃中傷三名
細思總爲傷暑其極重者則稱中耳目不必
言也已有專辯傷寒症分有陰陽暑症屬火
多發揚激烈之狀總謂之陽似無所爲陰者
惟其感深日久驟發而沉昏不省人事閉目
息微此類似陰其實火極氣結痰盛氣閉臟
腑不通咽喉嗑塞使然乃陽勝非陰也陰症
陽症尚不可分况以暑與熱分之益不達矣

李文清

見醫學入門

暑病身熱自汗口渴面垢而已餘症皆後傳變
或兼內傷必先問其人素虛胃弱或大病大勞
後縱暑中傷者宜清暑益氣素強盛壯實無虛
損病者宜祛暑和中

自襲暑氣而言曰中暑自被日逼而言曰中暍
然暑初入自口鼻牙頰達于心主胞絡以火從
火故古法治暑取冷水灌溉勿嚥

卽暑暍症但以手足搐搦爲風手足逆冷爲厥
厥與傷寒熱厥義同黃連香薷散暑風乃勞役

內動五臟之火與外火交熾則金衰木旺生風
香薷散加羌活或六和湯合消風散素有痰飲
因暑觸動痰熱生風者六和湯合星香散

救痰壅法

暑毒痰火窒塞胸中量體虛實吐之火鬱發之
之義也如痰喘氣急痞塞入藥不得者急煎六
和湯調麝二釐服

救絞腸痧乾霍亂用

絞腸痧腹瀉不可忍或連心痛展轉在地手足

亦冷乃腸絞縮在腹須臾能死用熱湯調鹽一兩灌入卽安或再用陳艾陳樟木陳壁土各等分水煎連進三四服

救途中熱倒法

若道途卒倒湯藥不便恐氣脫難治急扶陰涼處不可臥濕冷地樹道上熱土放臍上擦開作窠令人尿與其中待求生薑或蒜嚼以熱湯或童便送下外用布蘸

按入門一書雖係時出中間亦頗詳細故錄

其數條以備覽暑暍一氣也若中暑中暍之分則強矣

王宇泰

見證治準繩

論曰此事難知傷暑有二動而傷暑心火大盛肺氣全虧故身脈洪大動而火勝者熱傷氣也辛苦人多得之白虎加人參湯靜而傷暑火勝金位肺氣出表故惡寒脈沉疾靜而濕勝者身重也安樂之人多受之白虎加蒼朮湯傷暑必自汗背寒面垢或口熱煩悶或頭疼發熱亦有

痛者更有痛甚身如骨碎者神思倦怠殊甚
傷氣而不傷形故也但身體不痛與感風寒
宜香薷飲六和湯嘔而渴者浸冷香薷飲或
苓散兼吞消暑丸嘔不止者枇杷葉散去茅
吞來復丹嘔而痰却暑散吞消暑丸或小半夏
茯苓湯或消暑飲 又有不瀉而腹乾痛者六
和湯煎熟調蘇合香丸 暑先入心者心屬南
方離火各從其類小腸爲心之府利心經暑毒
使由小腸中出五苓散利小便治暑上劑也

暑月身癢如鍼刺間有赤腫處亦名暑風末子
六和湯和消風散酒調服暑風而加以吐瀉交
作者六和氣藿香正氣散各半貼加全蝎三個
有暑毒客於上焦胸膈痞塞湯藥至口卽出不
能過關或上氣喘急六和湯浸冷調入麝香少
許 暑氣久而不解遂成伏暑內外俱熱煩燥
自汗大渴喜冷宜香薷飲加黃連一錢繼進白
虎湯若服藥不愈者毒深入結熱在裏謔語煩
渴不欲近衣大便秘結小便赤澀當用調胃承

氣湯或三黃石膏湯

承氣湯必不可輕用

又加減清暑益氣湯

復立變症加減法於後 如心火乘脾乃血受
火邪而不升發陽氣伏於地中地者人之脾也
必用當歸和血少用黃栢以益真陰如脾胃不
足之症須少用升麻乃足陽明太陽引經之藥
也使行陽道自脾胃中左遷少陽行春令生萬
物之根蒂也更少加柴胡使諸經右遷生發陰

陽之氣以滋春之和氣也如脾虛緣心火亢盛而乘其土也其次肺氣受邪爲熱所傷必須黃芪最多甘草次之人參又次之三者皆甘溫之陽藥也脾始虛脾氣先絕故用黃芪之甘溫以益皮毛之氣而閉腠理不令自汗而損元氣也上喘氣短懶言語須用人參以補之心火乘脾須用炙甘草以瀉火熱而補脾胃中元氣甘草最少恐滋滿也若脾胃之急痛并脾胃大虛腹中急縮腹皮急縮者却宜多用經曰急者緩之

若從權必加升麻以引之恐左遷之邪墜虛卒不肯退反致項上及臀尻肉添而行陰道故引之以行陽道使清氣出地右遷而上行以和陰陽之氣也若中滿者去甘草咳甚者去人參口乾噤乾者加乾葛如脾胃既虛不能升浮爲陰火傷其生髮之氣榮血大虧榮氣伏於地中陰火熾盛日漸煎熬血氣虧少且心包與絡心主血血減則心無所養致使心亂而煩病名曰恍惚者心惑而煩悶不安也是由清氣不升濁氣

不降清濁相干亂於胸中使周身血氣逆行而
亂經云從下上者引而去之故當加辛溫甘溫
之劑生陽陽生而陰長也故曰甘溫何能生血
又非血藥也曰仲景之法血虛以人參補之陽
旺則能生陰血也更加當歸和血又宜少加黃
耆以救腎水蓋甘寒瀉熱火火滅則心氣得平
而安也如煩亂猶不能止少加黃連以去之蓋
將補腎水使腎水旺而心火自降扶持地中陽
氣也如氣浮心亂則以硃砂安神丸鎮固之得

煩減勿再服以防瀉陽氣之反陷也如心下痞
亦少加黃連氣亂於胸爲清濁相干故以陳皮
理之能助陽氣之升而散滯氣又助諸甘辛爲
用故長夏濕土客邪火旺可從權加蒼朮白朮
澤瀉上下分消其濕熱之氣濕氣太盛主食不
消化故食減不知穀味加炒麩以消之便加五
味子麥門冬人參瀉火益肺氣助秋損也此三
伏中長夏正旺之時藥也

按此證治準繩中論暑症者至精至密立中

舍和王道之宗匠不能具載謹摘其要者錄
於左至加減清暑益氣湯丸東垣之知已

名醫類案

維謙甫治蒙古百戶因食酒肉飲潼乳得霍亂
吐瀉症從朝至午精神昏憤已困急來告羅
視之脉皆浮數按之無力所傷之物已出矣
卽以新汲水半碗調桂苓白朮散徐徐服之
稍得安靜又於墻陰掘地約二寸貯以新水
在內攪動待一時添定用清者一杯再調服

之漸漸氣調吐瀉遂止至夜安臥翌日微煩
渴遂煎錢氏白朮散時時服良愈或曰用地
漿者何也坤屬地地屬陰土平日靜煩感至
陰之氣又於墻陰貯新汲水以收重陰之氣
也陰中之陰能瀉陽中之陽陽霍亂因暑熱
內傷所得故用地漿之意也

提舉父年近六十六月中暑霍亂吐瀉昏冒
終日不省入事時夜參半請羅視之脉七八
至洪大有方頭熱如火足冷如水半身不遂

牙關緊急蓋年高氣弱當暑氣極盛陽明得令之際况陰得而動之中者明矣非甘辛大寒之劑不能瀉其暑熱墜浮溜之火安神明也遂以甘露散甘辛大寒瀉熱補氣加茯苓以分陰陽約一兩水調灌之漸漸省事請證悉去慎言語節飲食三日以參朮補中湯以意增減旋服理正氣愈十日平復

滑伯仁治一人病自汗如雨至赤身熱口燥心煩盛暑中宜帷幕周密自以自虛亡陽復朮

附數劑脈虛而洪數舌上胎黃伯仁曰前藥
誤矣熱病熱治醫者死之素問云必先歲氣
毋伐天和未附豈可輕用以犯時令又云脈
虛身熱得之傷暑暑家本多汗加剛劑脈洪
數而汗甚乃令撤慢開窓少頃漸覺清爽以
黃連人參白虎湯三進而汗止大半諸症亦
減兼以既濟湯渴用水水調天水散二日而
愈

孫兆治一人自汗兩足冷至膝下腹滿不省事

孫胗六脉示弱而急問其所服藥取視皆陰
病藥也孫曰此非受病重藥能重病耳遂用
五苓散白虎湯十餘貼病少甦再服全愈或
問治法孫曰病人傷暑也始則陽微厥而脉
小無力醫謂陰病遂誤棄其病厥用五苓散
利小便則腹消白虎湯解利邪熱則病愈凡
陰脛冷則臂亦冷汝今脛冷臂不冷則下厥
上行是如陽之微厥也此症乃先傷濕後傷
暑爲濕之症也

丹溪治一人夏大發熱譫語肢體莫舉喜冷飲
脈洪大而數以黃芪茯苓濃煎如膏用涼水
調服三四次後昏臥如死氣息如常次日方
醒而愈

一人夏發大熱大汗惡寒戰慄不自禁持且
煩渴此暑病也脈虛微細弱而數其人好賭
致勞而虛以人參竹葉作湯調辰砂四苓散
數劑而安

項彥章治一人病甚醫皆以爲瘵盡愕束手項

脈之脈細數而且實細數者暑也暑傷氣宜
虛今不虛而反實乃熱傷血藥爲之也家問
死期曰何得死爲作白虎湯飲卽瘥

莫茭山治一婦人冬月偶感患灑灑惡寒翕翕
發熱惡食乾嘔大便欲去不去諸醫皆以虛
弱疾飲治之以二陳補心導滯服不効延及
半月吳診其脈虛而無力類乎傷暑衆不然
之究問其病因其婦曰因天寒換着綿衣取
綿套一床蓋之須臾煩渴寒熱嘔吐綿延至

今年吳曰誠哉傷暑也三綿套輻之盛暑夾
熱收入筒中必有暑氣尚今開泄令人體虛
得之易入故病如其婦曰無遂製黃連香
需飲連進二服而愈

逢年歲熱甚凡道路城市昏作而死者此皆虛
人勞人或饑飽失節或素有病一爲暑氣所
中不得泄卽關竅皆窒非暑氣使然氣閉塞
而死也古方治暑無他但用辛甘發散疏導
心氣與水流行則無害矣崇寧乙酉吳爲書

旬時一馬夫馳馬山局下忽仆地絕急以五
苓大順白虎湯人參五錢服下嘔噦卽止鮮
腫五鼓方醒索粥連進二三服乃減參稍輕
調理數劑而愈

傷暑全書卷之二終